

T. 3224/1741.81a

5

CHINESE-JAPANESE LIBRARY
HARVARD-YENCHING INSTITUTE
AT HARVARD UNIVERSITY
NOV 1 6 1941

於何讀安用之竊意聖人之道在此書也既學漢和
八國學嘗執父喪火延喪室輟抱棺叩頭慟哭不
去已而火焚喪室柱至其半而止鄉人名爲止火
柱累舉未第歎曰昔之求道者尚友於古人吾今
未能及大賢之門其可已乎遂走河南值二程已
逝乃遊謝良佐之門而學焉政和六年以八行舉
尋第進士調御史臺主簿祕書郎出守臨江軍丐
祠歸自號九思

吳棫字才老時號通儒著論語十說及考異語解

諸書嘗患字學訛誤作補韻若干篇朱熹評近代考訂訓釋之學唯才老及洪慶善為優遂據其說以協三百篇之音

邱富國字行可常受學於朱熹門人淳祐中登第為端陽僉判宋社既屋遂不仕著周易輯解十卷經世補遺三卷易學記約五篇以發明朱氏宗旨楊與立字子權受業朱文公之門知遂昌縣因家蘭谿學者宗之稱鉛山先生所輯有朱子語畧二

十卷

余元文字院之以孟軻亞聖而司馬光作疑孟數篇李觀鄭厚著常語及藝圃折衷皆肆詆毀乃作尊孟辯三十餘條闢之朱熹是其說又為之訂定游侃從朱文公游所著有癸丑問答

鄭儀孫號翠屏從邱富國學易咸淳癸酉應賢良舉又明年少帝北行儀孫退而著書易圖說詳解大學中庸章句史學蒙求箋註性理字訓太守吳率幕屬迎於學師事之

元

張復字伯陽爲建寧路知事從陳儀孫學易得卨氏之傳嘗輯諸儒議論編性理遺書十四卷

雷德潤字志澤一名逢辰父龍濟宋鄉貢進士以狗國歿於難德潤學遂於易旁通諸子及律歷術數之學舉明經歷除福州路教授樽節租入崇建殿宇修置禮器及買田立義莊以贍士調長樂主簿卒德潤爲學先德行而後文藝講論必以程朱爲主教人必以聖賢爲法以子機貴贈祕書少監鄒文慧字季和任司訓元末謝職服柴桑巾服講

策語大許寘第四名中進士丙科歷韶州循州教授恬靜有守後以尙書韓元定薦除刪定官後監左藏庫改秩知信豐縣部使者尙其政績卒于承議郎嘗著建安誌二十卷又著兵論迂論數十卷游次公字子明自號西池范成大帥桂林日次公實叅闡幕有唱酬詩卷甚富尤長於詞莊父字子嚴建安人號古洲居士博涉經史善詩文尤長於詞其閨思鷓鴣天一闕云睡鴨徘徊煙縷長日高春困不成粧步歌草色金蓮潤撚斷花鬚玉笋香

輕洛浦笑巫陽錦文親織寄檀郎兒家閉戶春藏
色戲蝶遊蜂不敢狂

陳以莊字敬叟自號月溪詩句清新而詞尤擅名
一特玉林黃昇集中與詞選多取其詞

翁孟寅字賓賜善吟咏有夜泊一絕云夜泊寒沙
際江風起舊愁離情惟怕晚歸夢又逢秋人多稱
之

張諒字子京與弟貢學易于邸富國著經史事類
彙澤二十卷後賜秩翰林應奉文字貢字壯夫

毛直方字靜可宋咸淳中預薦入元授徒講學士
爭趨之有治靈稿四卷聊復軒稿二十卷嘗編詩
學大成及詩宗羣玉府三十卷行於世後以教授
半俸終其身

劉邊字近道與熊禾友善工詩能文所著有讀史
據言若干卷自家意思集十卷

虞韶字以成博通今古善詩文嘗纂小學日記切
要故事十卷行於世

虞廷碩字君輔工詩文尤遠舉子業嘗編集歷代制誥五卷詔令四卷古賦準繩一卷行于世

蘇照字明遠工詩文尚儒術後進多師之至正間以明經薦至京預纂脩事欲授以官以親老辭臨川劉灼贈詩有才子曾聞起建安若爲金馬得辭官之句尤精墨菊山水諸畫稱爲名筆卒年八十二子伯厚見選舉

明

楊恭叔名恭以字

幼穎悟十歲作靈圖南薰賦

大爲時稱元季以詩經中澗江鄉試第一第文叔以詩中第三時號聯璧俱不仕洪武初以薦訓導建安有文集若干卷祀府學尊賢堂

張昌齡字有年博學善吟嘗從杜本蔣易遊甚有詩名書法亦遒勁洪武間薦至京陞見之日太史奏卿雲見上大悅是日同舉者十有三人特旨俱除僉事不避籍貫任福建按察司未幾致仕卒所著有詩集一卷飯牛庵漫錄一卷

蘇仲簡名境以字行照之子好學善文辭與兄伯

厚弟叔敬季雅自相講授洪武初以明經薦授崇安縣儒學訓導以詩鳴所著有敬所小藁四卷御史廬林陳仲述謂仲簡古詩如元酒太羹土錚瓦缶質而不俚近體律絕如正人端士褒衣危冠樸而不陋歌行古詞如山下出泉鏘然有聲聽之無窮人以爲知言

蘓伯厚名梓以字行文行見重洪武乙丑以明經授建寧訓導後學多所造就永樂初預太祖實錄遷翰林侍書復預修永樂大典兩典春闈伯厚學

本誠實議論皆有根據有素履集子鑑以明經歷官稽勲郎弟仲簡

楊壽夫名松以字行通春秋孝友篤摯建文辛巳郡守芮麟薦歷本學教諭多所造就典鄉試者五會試者二宣德中楊文貞輩交薦之陞翰林院編修預修宣廟實錄官至修撰

楊亘字恆叔成化鄉薦除順天判陞治中轉太僕少卿正德中引疾歸闢園治於所居之南摘靖節歸去來辭中語編名曰陶園吟咏其中所著有紀

行錄南都錄文獻內集陶園錄鳴鶴餘音等集
滕霄字子冲選翰林庶吉士轉修撰預修國史進
講經筵陞司經局洗馬清慎敦厚爲文純正典雅
一時翰學咸推重之

楊晉亨號燕山廩生文敏公榮裔孫博極羣書六
經子史皆能發其奧旨古文詞直逼秦漢詩有盛
唐風督學宗方城公稱爲絕代奇才文集若干
卷藏于家

潘晉臺字士閣崇元乙亥拔貢孝友醇謹敦睦宗

族甲申後絕意仕進公庭屏跡博極羣書所著有
三禮大成易綜明詩表和陶賦序傳待庵筆記若
干卷

武功

唐

劉守謙肅宗朝討安祿山有功授處州刺史今縣
有刺史祠

陳誨字巨訓始生數月足勁能履其父異之因名
爲阿鐵及長趨捷有勇又呼爲陳鐵事王氏有戰

功建州被圍誨數出挑戰唐兵多苦之及城陷爲王建封所獲將殺之誨走自歸查文徽文徽禮之復以爲將使領兵招懷散亡且數表其能潘承祐亦薦之授劍州刺史破馬先進有功拜建州節度使委以南方之事誨善脩守備郡政無斃周師伐淮甸誨遣其子德誠率師赴難壽春之後諸將多逗撓唯德誠力戰未嘗挫衄師還拜德誠和州刺史誨由是恩寵日加改其軍名忠義以旌之諸子皆至顯職在鎮十年以疾求罷乃以其弟劍州刺史謙爲留後召誨還都疾甚後主親往視之未幾卒

宋

魏勝幼無賴膂力絕人隸軍籍爲市游徼嘗宿永安寺門下夢金剛神謂曰吾耳爲烏棲所苦爲我去之當與爾一指力覺而從其言勇力頓增靖康初從禁旅戍滑臺軍帥令軍中曰挽弩十石者補指揮使勝躍然應命帥請教場引試且下令曰若挽不及格者處勝挽弦時若有神助弦斷弩折

軍皆驚由補本軍指揮使未幾歸建州爲威果指揮使部下葉儂輩以州司不支卸甲錢謀反指勝爲主時變起倉卒賴勝彈壓方議招降衆疑勝欲害之勝謂之曰今當與爾等決生死於神衆譁然聽命勝禱于神曰使勝不與諸軍同心任從諸軍造反殺人不服招降神其賜以凶兆如或勝之心不如此諸軍自生猜貳無故欲加害於勝神其賜以吉兆兆得吉衆始帖伏開城約降部使者以勝彈壓有功奏補承信郎權本州兵馬監押卒

南擢鄖陽巡撫尋謫戍閩漳往還武彝黃華間因寓建安卜築城南清芬館四方從遊甚衆萬歷乙巳死曾告變滇臺咨取區畫便道歸里卒學者稱爲見羅先生

柯挺字以拔海澄人由北雍舉萬歷癸酉順天解元庚辰進士累官南京提學御史戊子過建安愛其丹山碧水之勝卜居紫霞洲當發解時故遲謁江陵相致憾以進士令南樂鋤強辯枉稱神君會江陵行丈田法挺盡以溢額補瘠地稅益重其憾

江陵敗擢御史時議易壽宮力請易向毋易山導
 駕親覽條對明切上悅賜食差刷光祿奏罷內苑
 糜費按定值鄖陽軍變誅其元兇遂定歲祲設法
 發倉活全楚楚人立石督學南畿識拔皆名士
 一艱服闋絕念仕進卒年七十四所著有史雅正
 史刪史經千文說四部逸民傳世家列傳建安風
 土記若干卷藏於家

揭重熙字君緝號萬年江西臨川人以五經成進
 士除知福寧州闖賊陷京師詔天下勤王聞學使

郭之奇倡義募一舉重熙為師抵金陵聞大兵

南下重熙所部兵潰退屯建昌邵武間知無濟以

黃冠隱寓崇安數年後郡將物色得重熙于武彝

山中昇至建寧寘諸獄門人孝廉陳士道貢生朱

國龍聞重熙被械來謁請畱獄中講學賦詩慷當

以慨獄卒聞知皆泣下時順治八年十一月丁丑

巳時重熙同五人就戮南市一為士道一為國龍

餘三人未詳姓名其從者鄧貴戴鳳亦殉于側重

熙臨刑詩有平生不數常山舌今日欣依紫市魂

之句見通志郡志已祀江西鄉賢

孝義

宋

郭周孚字仲先事母至孝熙寧間調湖州德清簿遷聞縣令嘗游蘇軾之門聲譽藉甚居母喪哀毀篤至既葬廬墓三年郡守欲以八行薦力辭服闋以朝散郎通判興國軍子擇仁登進士第

雷覺民字將道父將得官卒其祖悲念不已覺民期必繼父業乃杜門逾十年第進士調漳浦尉有

一日暴水壞解垣彬祖母令人撤板榜以蔽讐家

發其事法當論死彬母欲以身代彬時年十歲即

自詣官首實得收贖後都察院疑其獄逮問拷掠

一詞竟得宥免彬後歷六安虞城二學教諭

魏宗欽自幼讀書恒以古人自期父康為斗役虧

糧法當論死宗欽毅然別妻于詣官請代父罪繫

獄歲餘將論決遇恩宥得免

楊讓字允謙太師榮仲子居家孝友敦睦歲散粟

以周貧族又購田二頃以給族里嫁娶喪葬不能

爲禮者沙尤寇劫掠鄉村民居悉燬過讓廬相戒
勿犯所著有澹菴集

蘓鏞字良璇號守愚鑑之弟好學善楷書克敦孝
友居家不爲侈靡不作佛事雖鄉人亦多效之正
統間盜起高陽里有司擇信行素孚者往招撫之
鏞被薦以行賊遂順聽歲鄉飲必禮鏞爲大賓年
七十終

李埜字士林正統間沙尤盜起民潰匿山中惡少
爭謀搶掠埜諭以憲典且曰若輩求粟何必走

地指困授之疾草囑諸子焚通券毋作佛事待郎
崔銑爲撰墓表子柏克世其德孫默官至吏部尙
書

鄒漢字雲卿郡庠生事父母孝愛讓產與弟曰授
生徒每夏秋間修合痢疾丸藥施之療人病歲暮
有祔債者欲投井死力救止之代償其負

陳錢字大用孝子榮之孫平生慎言笑重然諾每
稱引必舉祖忠肅公也尤慷慨好施予嚴峻不可
干以私鎮守太監某遘疾危得錢奇方而愈以數

百金却不受及鎮守歸復投原金與點蒼石一片而去竟追還其金嘗曰吾家世孝友不可違也三山林文安陳都憲公皆與爲詩友

林釗字世用早歲喪父力藝以供母母有足疾釗負出入無倦平日又好施甘鬻田產以賑貧乏壽百歲萬歷撫按勞堪龔一清疏請詔賜絹帛

陳啟字九成精岐黃術雅重公卿間事母李至孝母疾稽顙北辰求代已而母以天年終送殯皆如禮士大夫好禮者趨法之

陳鈞字熙載歲貢爲曲江訓導因母疾請醫畱心濟人貧病來者施以藥餌兼資米粥有以急告輒脫衣賙之出見筍魚籠鳥必市而縱之在曲江加意訓士捐俸資貧二年謝歸子漢

陳漢字章甫父年八十餘定省不懈父行執杖隨之父好施樂助濟人後以歲貢授建德訓導縣尹欲剗鼓樓諸生慮妨學宮漢力引諸生止之尹不從慨然曰吾父老矣遂棄歸

朱柱石字美初母金氏以哭夫喪明柱石禱於天

忽遇異人授七藥母目全愈性樂施見人患急多
 捐已財賜之每天暑施好茗以解人渴三十餘年
 不廢崇正丙子大歉柱石捐資煮糜食饑者邑賴
 不殍卒年八十三按院李嗣京為旌其廬曰天爵
 有餘疏題贈壽官

倪應元字泰初郡諸生事父母以孝聞提學蔡國
 珍召講學五經書院遭喪值火盡棄貲扶柩出走
 露宿守之

劉樞字汝濟嘉靖丙辰饑捐粟賑濟部守備其貧

義歲丁巳邊備乏食奉詔輸粟萬石都御史上
 授指揮僉事三請辭飲堅辭不赴

李培字汝耘默之字隆慶恩貢事繼母曲得其歡
 心撫孤姪若己出親朋不能葬者捐資以助鄉里
 重之

張竣字儼竹萬歷丁巳歲貢性純孝父病失明竣
 晨興以舌舐其目踰二年復明事母范氏年九十
 三歲敬養如一日

謝勳字汝賢蚤年喪父有流寇突入其家家人盡

走勲念孀母在堂挺身捍禦身被重傷母賴不死
又推業以讓兄萬歷間郡守許天贈旌其門

徐崑壯年失偶誓不再娶與友黃濡善濡遺崑百
金濡死崑念其子貧以原金還之郡守朱汝器賜
扁給冠帶

謝良慕義好施捐金重建先祠又買義山施棺埋
骼賜族賑窮還劉挺妻歸李冲妾人服其高誼

楊組字公佩繇歲貢歷台州教授擢潯州推官尋
致仕性醇行樸事繼母畜異第以孝友聞歷宦蕭

滕峻字兩華歲貢性至孝事母曾氏承歡無所迂
居孔道兵猝至峻負母逃深山宅毀傷不顧曰吾
得母無恙足矣叔早逝遺一女峻視若同懷竭其
產奩之而一無所私祖居七里地憂旱峻出財倡
衆修堤堰疏泉源穀歲以稔里有貧而稱貸者悉
出券焚之建安學久燬爲白當事糾同志竭力經
營學落成好鼓琴賦詩及作古文詞旁通象緯地
理岐黃又好獎士類家有館曰天遊延名師教子
弟親友來學者飲食敦勉之子弟多賢肖同學亦

皆成名去先是耿藩叛迫之仕遠遁破家不為屈
年八十屢舉鄉飲不赴尋卒

黃旋字元吉號慶菴歲貢生性至孝友父思恒病
親侍湯藥衣不解帶父年八十四歲卒喪塋盡禮
忌日必至墓拜哭甲寅藩亂避難沙源母汪氏雙
眼失明泲苦無醫有老人謝楚珩云目可用舌舐
旋如其言每晨卽以舌舐目晝夜焚香禱天求以
身代如是者累月母目復明兄元章早故撫兄子
如已出待族人若至親凡貧而乏嗣者為給衣食

完殮埋及卒猶命男天球繼續給膳不倦有鄉人
童君郎因富室逼債嫁妻以還旋知捐已代償全

其夫婦又有黃俊郎因李氏逼河子迫告旋
即使救甦代償其券旋更重於成西置義

塚土名奶婆山聽無力者安如學宮東嶽橋
梁道路有關風土者解囊修建甚德之子天球

歲貢克繼父志尤敦孝義行已正當事推重
林伯駮字子昂號千駒平日孝十歲喪父每泣

幼不及事凡歲時飲食必示氏時海氛播

遷母足不能行躬自負不

立有從祖廷文履

負

施值海氛流離

力埋塋有婚不能

間鬻一義女後知為福有

親送還沈匪特一索身助其

鄉賓次子楷貢生截取訓導宗

林雲翔字士榮一字華山國學生考授州同知性

至孝友幼喪母孺泣不絕稍長喪父水漿不入口

及卒哀毀骨

具性更好

十悉為之竭

康熙三十年

女即買舟

鄉評薦舉

以孝友稱

者三四日比塋同兄士班廬墓側兄以弟幼苦勸

歸家不從曰吾寧死不歸痛哭失聲里人咤為至

孝兄疾願以身代禱曰天寧亡我母亡吾兄比卒

哭幾死者數朔望必拜薦祀必誠事死如生年逾

七旬孺慕不衰代堂姪百燧娶張氏及燧死又撫

其子世芳世英並謀婚娶復給資本使克成立遊

庠外舅何姓乏嗣不特生養死塋更捐資擇嗣不

泯其宗憐貧恤寡掩埋孤骼捨棺捌百餘副修造

橋梁道路邑人感之康熙四十八年郡守鮑舉鄉

欽正賓旌達尊碩望匾額男梅字願學一字說巖
歲貢生性尤孝親歿哀毀欲絕地側地宿三年因
以不茹葷至老縣學屢薦旌獎其門

劉學成字習志號純庵宋儒劉屏山十五代裔孫
時年十七遭妖僧王祁之變父祖卿遇害不避艱
險隻身背負父屍潛入山林安葬悲父罹難事母
黃氏竭盡子道不敢以貧故稍不盡心居西鄉離
城一百二十里母病思梨而過其候匍匐奔城覓
梨盡晝夜趕歸以梨奉母而母病愈後及母卒衣

衾棺槨雖貧必求盡禮母舅富密二人繼亡學成
曰吾舅既無所歸恐傷母志代爲殯之其遠祖劉
屏山及五忠祠宇載在祀典者遭耿變焚燬學成
捐倡建置於本縣中和坊經載縣志其時署府事
劉爲勒諸石又屏山講堂在甌邑梅岩年久頽廢
學成竭力修葺擇僧奉祀其祖文英明季庠生貧
無祀田遂勉克蒸嘗與堂弟如用等輪收備祭至
撫孤姪天錫輩扶養婚娶無異己子焉每庭訓務
以無墜忠賢家聲爲期故今子孫世守儒業

隱逸

宋

邱濬字思道精於歷數絕意榮達嘗為感事詩百首辭多譏諷執政遂欲誅之仁宗曰狂夫之言聖人擇焉因薄其罪又嘗著長世論五十篇言用兵利害勝負韜畧時龍圖學士田瑜特為薦之詔除萬年縣主簿濬蓬葦自適立志隱居竟固辭不赴郡守聞其高風梗概甚仰慕之為之表其廬曰處士坊

詹本字道生高抗不仕江萬里薦為郎先致書於本本方坐門外石磯垂釣使者至問本居本給曰在卽持竿渡溪去不知所終
葉夢鱣應聘赴臨安少帝北行遂隱西甌以講學為事

元

江應隆自號菊隱求學於謝疊山疊山字之曰仲龍蓋取孔明長笑隆中而時人以伏龍待之
周震一家在城府不妄交一人謝疊山枋得客建

寧震一獨與相厚疊山稱其忠厚篤敬言不妄發
行不妄動脩然出塵之外而可與神遊八極之表
子持敬亦修真慕道爲疊山所稱

明

雷境字彥達幼孤事母至孝究心經史家貧至無
以自給永樂初有司以孝廉薦固辭乞歸絕跡城
市鄉人從其學者數十人皆舉進士第稱之曰慎
齋先生所著有閑居叢藁子鏃浙江僉事
蘓鉦字良聲伯厚從子喜積善工吟咏善楷書寫

石竹花木山水皆極其妙閉門終日不干世事
時隱逸有才行者必稱鉦云卒年七十有九號竹
坡所著有竹坡集藁二十卷藏于家

劉楫字汝濟嘉靖丙辰饑捐粟賑濟脫妻簪珥施
棺郡守扁其尙義丁巳歲邊儲匱急奉詔輸粟萬
石都御史上之授指揮僉事三請鄉飲堅辭不赴
隱紫芝山房置古今名物法書圖畫自逸

國朝

徐謙字又橫守介履端弱冠補弟子員聲噪黌序

聞甲申三月之變卽北向號哭焚巾袍潛隱山等
後督學閔公知其名而聘招之謙以疾辭堅不出
家貧授徒簞瓢不繼澹如也博綜羣書老而不倦
所著有澹遠堂詩集若干卷卒年七十有六
任元衷字上昇博學能文爲諸生時尚氣節淹通
經史尤精周易洪範明末潛隱于家不通賓客著
易鏡天文考邊志明紀全錄若干卷郡守張琦聘
修郡乘不赴後督學沈涵執簡求藏書悉授之卒
年八十有三

方伎

宋

艾淑字景孟早遊太學善畫龍與陳所翁同舍時
稱二妙後仕爲寧海軍節度判官

明

許宏字宗道幼業儒而隱於醫竒症異疾醫之輒
効又工詩文寫山水花卉皆臻其妙卒年八十一
所著醫方有通元錄詩有南牕草錄行世
雷伯宗名勳以字行幼讀書明醫尤精于小兒科

洪武間授醫學正科卒年八十四著有千金寶鑑
得其旨者用之輒効子野僧亦明醫為鄭府良醫
楊暈字子充少為誦生有聲嬰疾臥榻三年遂攻
醫精熟方脉確有奇見卒年八十五

雷時中伯宗裔孫善易學及岐黃諸書醫能奇中
貧者暮夜叩之必攝衣在酬以錢則辭蓋醫隱者
也

雷鯉字白波寫山水花草老筆蒼然善詩工篆隸
嘗遊攝山有天風醉花鳥之句極為鍾伯敬所賞

列女

五代

鄭氏余敬洪妻南唐將查文徽平建州鄭為亂兵
所獲以獻於裨將王建功建封欲犯之鄭不從脇
之亦亦不屈建封轉歸文徽文徽亦欲犯焉曰王
師弔伐宜旌賞節義以勵風化王司徒出行伍亡
怪也君侯為國上將亦若是焉速殺我文徽媿而
歸之

宋

曹修古女修古明道中知興化軍卒貧不能葬吏民贖錢五十萬拜酬堂下前白所以家人未及至女哭曰我先君居朝以清節自立不幸終於貶所今臨財苟得尙何面目旦夕哭泣帷中幸趣持歸吏民斬罷

劉氏曹覲妻皇祐五年覲守封州儂智高陷郡劉逃之林垵既聞覲死口口不可污賊遂自經追封彭城縣君

曹氏覲妹也從覲官次覲遇害氏亦自刎

元

官氏名勝娘方寧之妻寧耨於田氏饑之見一虎方攫其夫即棄舍挺連擊之虎舍去負夫至中途而死事聞旌之後其家

游氏雷德潤妻善書能文無子默禱於神夢黑熊行天遂生機機貴贈建安郡君機妻危氏亦贈建安郡君通書記作字有楷法善治家事人謂婦道母儀皆可無愧

明

魏氏名璣雷烜妻烜父棋尉興化烜與璣在侍至
正壬辰羅天陵亂棋奉檄守海口烜挈璣侍繼母
趙氏假館福州烜卒璣年甫二十有六明年棋亦
卒貧無以爲殮璣悉以首飾易喪具與姑趙躬詣
海口扶襯還舊寓自念二柩不能俱歸乃白于姑
權窆烜柩於福州而以身襯歸葬於建身冒亂離
備嘗艱苦逮明混一始得寧居夫歿時子境未晬
服闋趙諭以他適璣不從以死自誓境子鏊孫仕
旃俱擢進士爲浙江僉事享年五十有八

恙人以不共姬方之

倪氏陳機妻機死氏年二十二守節不渝事舅
撫孤幼卒年七十有奇

陳氏李文超妻文超之母亦寡守文超文超早卒
遺子一週陳感激孀姑矢志勵節子銘長以諸生
遊太學卒年八十三

吳氏邑庠生楊詹妻詹死氏年二十一無子擇楊
氏族之賢者立爲嗣苦志守節訓子有成

徐氏周鶴齡妻年二十三而寡子幼姑老氏刺繡

奉養卒成于士英補諸生孫武烈舉於鄉年七十
九卒

鄒氏指揮張應基妻基應試武場卒於省氏年二
十計聞哀毀幾絕念夫功臣後裔獨抱遺孤撫養
有成其子廷鉞襲官鄉里稱其賢

黃氏李璧繼室璧沒氏年二十一無子撫前妻子
錡熒熒相依四十年有司旌之

馮氏邑庠生裴國宏妻宏卒氏年十九子成謨僅
週歲鞠子成立三十餘年始終一節

王氏名蒲娘舉人龔士遴妻遴早卒僅生一子氏
撫育成立生一孫氏喜謂可以延龔氏祀無何子
死孫又死氏痛絕投高門井以死郡人傷之僉呈
當道表其門崇正間按院應喜臣題請建坊有節
烈錄及紳士詩歌傳贊傳其事

黃氏邑廩生魏大壯妻壯高才夙志早歿氏撫二
孤備嘗艱苦後仲子魏球戊子副榜歷任青浦縣
公舉貞節立坊旌表

劉氏李竹山妻夫卒刲耳守節後姑病割股和藥

以進鄉人稱其孝節

夏氏李盛春妻姑病癱藥餌不効禱於神願減已年益姑壽因吮癰癰為之瘳已而盛春病又刺血和藥夫亦以愈

國朝

陳氏李自葵妻夫歿弱笄守志教其二卒能成立齊氏邑庠生楊倬妻戊子之變夫在外氏謂其女曰事勢至此逃將焉避與其被執而受污母寧先死以全節遂與女相繼投井而死

謝氏名招弟陸觀順妻蚤歲夫亡無嗣脫之或勸其他適謝曰得同穴幸矣又何言節依女以終其身壽八十七

甘貧苦

徐氏拔貢謝海之妻候選州同趙宗之母五年大兵克城徐預奉姑入山而經勞

也順治

難幼孤遭掠時徐年方二十有二痛哭

不

欲生兩目幾盲姑慰之再三徐恐以過威

重如憂

唯唯惟命一日得聞孤消息傾鬻簪珥百

計贖回

相抱而泣撫摩再四兩目復見丸熊授書

孤得成

立以弟子員入成均考選州同康熙二十三年額部請旨建坊旌表命下日中外當道縉紳各

贈詩章以揚孝節卒年七十有四

鄭氏儒士范天雯妻太學生念慈之母也年十九而寡侍孀姑溫清無倦苦節三十餘年撫孤成立

康熙二十三年題請建坊旌表

鄭氏儒士徐...妻貢生之駒母也年十六適士

英十八生之...用彌月士英卒孝事孀姑撫孤成

立內外嫻族奉為女宗康熙三十六年題請建

坊旌表當道縉紳...詩文頌揚苦節

薛齊宋郡庠生薛...年二十適張夔市

卽遭疾...以身代夔卒撫

食八日而死郡守...侯崔給扁旌獎

陳氏邑廩生任元...年二十四而寡...慈恭謹

撫孤成立冰霜...外無間言卒年五十一

張氏庠生徐駿...年二十二而寡撫...幼孤茹

荼苦節歷六十餘...年八十有五

道教

漢

梅福字子真壽春人。南昌成帝時外郎。王氏擅權。福上書不報。遂棄去。于而去後有人見其易姓。各為吳門市卒。按舊志。元始四年甲子。梅福來建。結廬城南山煉丹。數日丹成。服之。嚔嚔而去。後人因名其山曰梅仙。

錢鬱香劉永志李氏三女同在白塔山。煉成仙。貞觀辛丑。獵者呂師。逐獸入山中。遇三女於石上。圍碁。因坐而觀之。女授桃半顆。與食。俄而。斃具好。

爛歸家幾十年。鄉人因師引至原處。忽覩圓光百丈。三女昇天。遂號三皇元君。立龍濟道院。以奉之。雨暘祈禱即應。

唐

馬氏大羅真仙。故老相傳。本建安將相里人。俗名馬五娘。適人一年而夫亡。誓不二天。夫家貧。姑老。紡績以養。每洗足。出入溪。暴瀉。無丹可渡。乃張傘。仰置水上。垂之以濟。人異之。嘗語人曰。我非世人。奈有姑在。待終天年。吾當去耳。或早暎。鄉舉。迺祈。

兩立應後始以壽終喪事畢飛昇而去今建中名
山所在有庵凡祈禱即應
釋教

五代

白雲寺約禪師得法於翠微學禪師僧問不坐偏
空堂不居無學位此人合向甚麼處安置師曰青
天無電影韶國師叅師問甚處來韶曰江北來曰
船來陸來韶曰船來師曰還逢見魚驚麼師曰在
往遇之師曰遇時作麼生韶曰咄縮頭去師大笑

塔在今白雲寺後

宋

白雲崇梵寺餘禪師叅雲居舜和尚得蒙密印出
住白雲僧問臨濟喝少遇知音德山棒難逢作者
和尚今日作麼生師曰山僧被你一問直得退身
三步脊背汗流曰作家宗師今日遇過師曰草賊
大敗

圓悟禪師建安人號肯庵居五夫里開善院和晦
菴梅詩有可憐萬木彫零後竝立風霜慘淡中贊

晦翁像語載縣志示寂日晦翁哭之曰一別人間
萬事空焚香淪茗帳相逢不須更化三生石紫翠
參天十二峯

國朝

古雪禪師名通詰西甌陳氏子幼業儒十六歲出
家黃巖得法天童悟和尙初受少宰熊文學等請
興江西翠巖寺入閩掃塔公請住佛頂重興龍山
復受郡守范公承訓知縣鄭昱請興佛迹又請重
興斗峯進院日石鼓自鳴三次四衆共聞時年七

十示寂著語錄四十餘卷行世嗣法雪門白桂廷
昌吾恭圓等十有二人

道霽字師字為霖別號旅泊本建丁氏子七歲受
論語訓曉大意父少軒異之年十四病篤母禱觀
音大士前曰病愈當令事佛後果愈遂遣禮白雲
寺僧深公為師凡諸經業諷誦如流初叅瓶窰聞
谷有省既而往東溪荷山叅永覺師令看柏樹子
話久之苦無所入辭至杭州歷諸講席凡五年于
法華楞嚴大旨無不通貫復歸事永覺于鼓山日

加煅煉直透根宗永覺示寂繼席開法四方皈之
康熙八年歸建寧以白雲爲披剃所募眾鼎新又
建城南見善塔後駐錫東和之寶福二十三年復
還鼓山生平一瓶一鉢不蓄銖銖諸所檀供旋受
旋給身所至處禮拜恐後年八十八示寂著有旅
泊菴稿語錄一百九十六卷

勾者若干人次年冊報仍令註明未因得緩決
其他釋牽連清械繫盜案一結刻日和容承追未
完人白爲限官民咸便之甲戌冬以勤勞卒於官
令靖江時分校文武闈戊午陝西典試戊辰會試
總裁所得皆知名士孝友任卹妹寡撫孤代請
題旌從兄明兵馬指揮學曾藁葬多歷年所姪貧
婁重官京邸始慰首邱門士翰檢何龍文同里明
經江射斗皆公爲之殯且給扶襯資鄉人有鬻爲
旗廝者捐資代贖凡十有八家仍各量予歸費俾

免流離清白自持服官三十年室無姬侍所著有
 震園文集京華草秦遊草越使吟文選箋註行世
 祀鄉賢名宦



